

VENDIM
Nr. 314, datë 6.11.2023

MBI NJË NDRYSHIM NË VENDIMIN E BORDIT TË ERE-s NR. 62, DATË 8.4.2020, “MBI LICENCIMIN E SHOQËRISË ‘ERA HYDRO’ SHPK, NË VEPRIMTARINË E PRODHIMIT TË ENERGJISË ELEKTRIKE NGA HEC ‘STORI’, ME KAPACITET TË INSTALUAR 2000 kw”

Në mbështetje të nenit 16, të ligjit nr. 43/2015, “Për sektorin e energjisë elektrike”, të ndryshuar; nenit 53, pika 2, të ligjit nr. 44/2015, “Kodi i Procedurave Administrative i Republikës së Shqipërisë”; si dhe nenit 15 të “Rregullores për organizimin, funksionimin dhe procedurat e ERE-s”, miratuar me vendimin e Bordit të Entit Rregullator të Energjisë (ERE) nr. 96, datë 17.6.2016; Bordi i ERE-s, në mbledhjen e tij të datës 6.11.2023, mbasi shqyrtoi relacionin me nr. 2234/2 prot., datë 3.11.2023, të përgatitur nga Drejtoria e Licencimit, Autorizimeve dhe Mbikëqyrjes “Mbi një ndryshim në vendimin e Bordit të ERE-s nr. 62, datë 8.4.2020, ‘Mbi licencimin e shoqërisë ‘Era Hydro’ sh.p.k., në veprimtarinë e prodhimit të energjisë elektrike nga hidrocentrali ‘Stori’, me kapacitet të instaluar 2000 kw””,

konstatoi se:

- Bordi i ERE-s, me vendimin nr. 62, datë 8.4.2020, vendosi të licencojë shoqërinë “Era Hydro” sh.p.k., në veprimtarinë e prodhimit të energjisë elektrike nga HEC “Stori”, me kapacitet të instaluar 2000 kw, për një afat 30-vjeçar, duke i lënë kushtin që të depozitojë në ERE brenda datës 16.11.2022, lejen e rinovuar të përdorimit të burimit ujq sipërfaqësor për prodhim hidroenergjie nga HEC “Stori”.

- ERE, me shkresën nr. 1837 prot., datë 19.10.2022, i ka kujtuar shoqërisë detyrimin e lënë në pikën 3 të vendimit të Bordit për të depozituar lejen e përdorimit të burimit ujq sipërfaqësor brenda datës 16.11.2022.

- Me shkresën me nr. 2051 prot., datë 7.12.2022, ERE, duke iu referuar korrespondencës me AMBU-në, e cila ka konfirmuar se shoqëria “Era Hydro” sh.p.k., ka aplikuar për leje dhe është në fazën e trajtimit nga organet e menaxhimit të burimeve ujqore. ERE i kërkoi shoqërisë që të depozitojë aplikimin e bërë pranë AMBU-së për pajisjen me lejen e përdorimit të burimit ujq sipërfaqësor, i cili duhet të përmbajë dhe datën e kryerjes së aplikimit.

- Në përgjigje me shkresën e protokolluar në ERE nr. 2051/1 prot., datë 21.12.2022, shoqëria ka depozituar aplikimin e bërë pranë AMBU-së për rinovimin e lejes së përdorimit të burimit ujq sipërfaqësor për prodhim hidroenergjie nga HEC “Stori”, i cili nuk përmban datën e aplikimit.

- ERE, me shkresën nr. 2051/2 prot., datë 30.12.2022, i ka kërkuar shoqërisë të depozitojë aplikimin e bërë pranë AMBU-së, ku në përmbajtje të tij të jetë edhe data e kryerjes së aplikimit në kuadër të rishikimit të vendimit.

- Nga aksesimi *online* i regjistrit të lejeve/autorizimeve për përdorim burimi ujq, për prodhim hidroenergjie të përditësuar nga AMBU-ja në muajin korrik 2023, rezultonte se shoqëria “Era Hydro” sh.p.k. disponon leje të përdorimit të burimit ujq të rinovuar që më datë 6.3.2023, me afat vlefshmërie deri më 5.3.2028.

- ERE iu drejtua shoqërisë me shkresën me nr. 2234 prot., datë 4.10.2023, dhe me *e-mail* në datën 19.10.2023, me kërkesën për të depozituar lejen e rinovuar për përdorimin e burimit ujq sipërfaqësor.

- Me shkresën me nr. 2234/1 prot., datë 24.3.2023, shoqëria depozitoi lejen e përdorimit të burimit ujq sipërfaqësor me nr. serie 000114, nr. 248 prot., datë 10.3.2023, të miratuar me vendimin

nr. 9, datë 6.3.2023, të Këshillit të Basenit Ujor Seman për përdorim të burimit ujor sipërfaqësor për prodhim hidroenergetik nga HEC “Strori”, me afat 5-vjeçar, me afat vlefshmërie deri më 5.3.2028.

- Me depozitim të këtij dokumenti, shoqëria ka plotësuar kushtin e vendosur në pikën 3 të vendimit nr. 62/2020, por duke qenë se kjo leje nuk mbulon të gjithë periudhën e licencimit dhe, po ashtu, i nënshtrohet rinovimit, vlerësohet që kjo pikë të ndryshohet, duke i lënë kusht shoqërisë që të depozitojë në ERE lejen e rinovuar për përdorimin e burimit ujor sipërfaqësor për prodhim hidroenergetik nga HEC “Strori” brenda datës 5.3.2028.

- Për sa i përket pikës 2 të këtij vendimi, ku kërkohet që shoqëria të depozitojë në ERE, jo më vonë se 1 muaj para përfundimit të saj kontratën e qirasë, për truallin ku do të ushtrohet veprimtaria, të rinovuar, vlerësojmë që kjo pikë të ndryshohet duke i lënë kusht shoqërisë të depozitojë në ERE, kontratën e qirasë të rinovuar të truallit ku ushtrohet veprimtaria brenda datës 26.10.2027.

- Në nenin 53, pika 2, të ligjit nr. 44/2015, “Kodi i Procedurave Administrative të Republikës së Shqipërisë”, është parashikuar mundësia e shfuqizimit të plotë apo të pjesshëm të një akti, me nismën e vetë organit që e ka nxjerrë, duke përcaktuar dhe formën ligjore të këtij ndryshimi të aktit, e cila duhet të bëhet me një akt të ri me shkrim.

Për gjithë sa më sipër, Bordi i ERE-s

VENDOSI:

1. Pika 2 e vendimit të Bordit të ERE-s nr. 62/2020, ndryshon dhe bëhet:
2. Shoqëria “Era Hydro” sh.p.k. duhet të depozitojë në ERE kontratën e qirasë së rinovuar të truallit ku ushtrohet veprimtaria, brenda datës 26.10.2027.
2. Pika 3 e vendimit të Bordit të ERE-s nr. 62/2020, ndryshon dhe bëhet:
3. Shoqëria “Era Hydro” sh.p.k. duhet të depozitojë në ERE lejen e rinovuar të përdorimit të burimit ujor sipërfaqësor për prodhim hidroenergetik nga HEC “Strori” brenda datës 5.3.2028.
3. Drejtoria e Licencimit, Autorizimeve dhe Mbikëqyrjes të njoftojë aplikuesin për vendimin e Bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të Bordit, në rast se ka siguruar prova të reja që mund ta çojnë Bordin në marrjen e një vendimi të ndryshëm nga i mëparshmi, apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti